

義寧州志

第九冊

十九卷二十卷

列女志

節烈婦女
善婦

孝婦女

寓賢志

義寧州志卷第十九

列女

家人利貞閩德罔缺列女之稱為節為烈湘浦蘭蕙瑤池
冰雪孝義斯兼芳馨堪擷風徽

上聞光榮綽楔凡厥貞行此心如結太璞含暉歷久不滅備
紀幽懿彝倫圭臬志列女

宋

彭氏女太平鄉彭姑里人生農家嘉祐中年十九從父泰入
山採薪遇虎攫其父蹂躪數步女痛忿不勝拔刃斫虎虎
急棄去父得不死事聞詔曰彭氏奮身虎口活父命真烈
女也賜粟一十石帛二十疋仍命有司歲時存問焉宋史

徐處士晝妻周氏幼慧習古女誠七篇長歸晝事上撫下皆

義寧州志

卷十九

列女

一 四百七十五

有禮里人緩急必調之無所惜耻晝學不得志益欲教其
子賔至必手為具盡意厚遇寒暑勿懈里中某赴禮部試
踵其門晝以故不欲見周曰士及門而辭以事非君所以
欲教子之意也叱其子見之及行又資其囊若干徐分寧
大姓其子皆好學耻不若人盖周氏有助云伐檀集

章氏處士積女幼喜誦讀弄筆墨父母禁之與諸女相從夜
績待其寢乃自程課由是知書事父母以孝聞長歸雙井
黃某黃性豪甘酒大率常醉或使酒章咸以禮承客至咄
嗟責辦罔弗怡然肅給歸不逮舅姑事夫所生母李如姑
禮盡愛盡敬李壽終遺言曰吾百無憾不忍舍孝婦去耳
寧俗所生母皆役於子婦聞章之風乃欣慕焉年三十四
夫歿男女俱幼毀瘠殆不勝喪既而曰我死則負託孤乃

致力窳事為二子築室治生識者謂有男子之智烈婦之節云

山谷全書

黃氏康州太守亞父長女山谷姊生重瞳子眉目如畫玉雪可念其為女工皆妙絕人幼少能自珍重侍父母膝下依依不忍離太守卒妻李夫人以孤女歸南康洪民師民師母文成縣君李氏夫人母弟也有權智黃氏歸洪非太守意怏怏逼之而後行為洪氏生四男子曰朋芻炎羽年二十五而卒民師登進士第為石州司戶叅軍奔父喪客死文成君聞黃氏初不願行心少之故歸則得罪及舅與夫皆葬黃氏不得藏骨於其域焚而投諸江是時明芻炎羽未成人也後十四年夫人始知不得葬哭之不成聲曰使是子安歸乎其兄弟無以自解說乃建洪氏之廟南康廬山之下山谷刻毀壁辭於廬山石築亭以麻之髣髴其平生而安之見山谷詩序

元

彭氏姜本道妻葉氏姜本源妻皆儒家女至正癸巳本道兄弟從州判湯盤起義兵禦賊克復州治俱為賊所害彭與葉相訣曰寧死不辱彭自刎葉亦隨刎而死

高烈女武鄉人年十七避盜匿巖穴中盜詰其弟得之誘以甘言女曰吾死不從汝強之復大罵盜拔刃示欲殺乃忻然就刃顏色不變尋被害

明

周氏海口鹽課副使胡以謙妾金陵人永樂初謙秩滿上京死於兵周氏日夜號泣求屍得之欲死以殉父母止之曰

夫之娶汝為無後汝今有娠苟存胡氏一脉及千里婦櫬汝責也奈何欲死越月果生子伯槐乃辭其父母同兄護喪歸塋里中豪程向昇輩慕其娉色爭賂娶之周氏斷髮誓不再嫁勤紡績撫孤有成時縣丞黎斌欲上其事周固辭乃已

周氏始笄歸邑人徐仲英甫暮而仲英卒無子貧甚拮据事舅姑誓死不改節舅姑歿無所依奉三木主歸母家時妹在室擇良家子嫁焉終身紡績為生孀居六十餘年

劉氏大使周瑾妻永樂中瑾任交趾金場大使瀕行泣謂劉曰夷土新附萬一叵測二親之養托在汝矣劉既諾而復慰之後瑾死難訃聞輒自誓曰夫能為忠臣我獨不能為節婦乎勸紡績孝養尊嫜三子皆受學有成

義寧州志

卷十九

列女

三 五百一十五

沈氏查勗已妻有婦道姑患風疾出入扶持維謹穢器必親滌年二十九勗已以疾卒哀慟求死殉其姊諭之曰二子尚孩汝今方娠何為不思耶閱旬生子孟常居喪三年哀號不輟既襄大事撫諸孤具有家法族子女貧不能嫁娶及死喪無殯殮者皆資之時稱為女中君子云

冷氏高市陳邦達妻有女德通孝經列傳治家有法嘗戒諸子去奢從儉諭出粟濟飢買義塚葬其不能葬者享年七十有四大學士張東白公為墓誌

按冷氏前明賢婦依舊並載列女中府志另標

善婦誤載入國朝

陳氏泰鄉陳孟實女為處子時母黃氏疾危醫不能療陳氏焚香籲天割股置麋中食之母病尋愈

陳氏高市陳鳳岐女節判查仲儒配也幼習女訓事舅姑孝

養備至時家遭疫癘姑徐氏在床褥家人悉遠避陳氏朝夕侍側飲食湯葯必親亦竟無恙徐病革以幼女幼甥女託之曰汝善撫育吾瞑目矣因感泣唯諾二女及笄皆為擇配厚妝以嫁鄉里稱之

陳氏泰市王廷蕾妻年二十一而廷蕾以疾卒陳氏守節數十餘年正德間有司上其事詔旌其門

祝氏吳仙里人許聘武鄉盧榮年二十未歸榮病革女聞之欲赴永訣家人謂迨吉備裝奩女不聽亟往視之榮將屬纊矣女慰之曰君不諱我為立後遂斷一指為誓擇所親繼之躬紡績未嘗出門戶一日於靜室中浴竟更衣無疾而卒時年七十有三

黃氏高鄉余漢妻漢卒黃年二十家貧無子服終姑欲令改嫁即誓以死姑不能奪守志五十餘年治婦事不出閨門卒年七十八

陳氏高市周季哲妻年二十三夫亡無子富家慕其容德厚幣聘之陳矢死靡他舅姑欲其改節五子分產於陳獨無食貧逾十年告諸舅姑請以夫從子周儼為後由是始得分受產業儼遊州庠蚤卒撫孫周期大亦補增廣生員孀居四十九年壽七十有二

周氏奉鄉王公顯妻夫亡年二十六生子伯球時在襁褓齧指誓終平生奉姑之禮尤備前巡按御史李移文嘉獎以子伯球貴封太孺人年七十餘而卒

岳氏高鄉李模妻年二十四守節撫孤子仲薰娶姚氏年十九仲薰亦蚤世姑媳紡績相依為命矯矯雙節鄉人賢之

岳年七十五卒

查氏奉鄉王公庭妻年二十一夫歿無嗣守節姑雷氏因哭子喪明查氏竭力奉養終身未嘗少怠姑死祭葬如禮

盧氏仁鄉冷安民妻年二十四夫亡無子其母欲改嫁之盧誓死守志不可奪家甚貧躬織紉以自給壽六十六

陳氏泰市王廷鳳妻年十九守節嘗以查門沈節婦為嘆盖其所親而有志慕效之者孀居三十年雖劇病不面醫閨門肅然卒年五十有九

章氏崇鄉陳沛妻年二十四守節知州蔣芝奉巡按御史李書匾旌異

黃氏高鄉石勝安妻年二十二喪夫守節撫孤有成卒年七十有六

義寧州志

卷十九

列女

五

四百五十五

車氏泰市幸善繼妻年二十六守節子方七歲撫以成立卒年八十有一

李氏高市陳說模妻散官九思之女笄歸事舅姑克盡婦道說模艱於嗣為廣置媵妾遂生子二遜之存之愛若己出說模授官上林苑監錄事卒於京李氏携諸孤扶柩行數千里越四月抵家無虞事寡姑章氏克孝賑荒周乏賢行頗多有司屢表其閭卒年七十有六

章氏高市礫坑槐彤女庠生周期化妻夫卒年二十五剪髮繫夫首誓不改節遺腹生子希夔補廩生未仕而沒復撫孫先登亦廩於庠嘉靖辛酉年踰七十通學投牒有云一片丹心願隨夫死半生殘喘冀為孤留當道數下有司表宅優異年八十有六子夔妻鄧氏亦早寡紡績為生撫孤

終始卒年六十有五鄉里咸謂雙節云

張氏武鄉帥汝蘭妻年二十五守節子方五歲撫以成立媳卒又勞於撫孫縞素自持事後姑惟謹年七十六卒

熊氏周先春之妻相春二年春歿子甫半歲貞操性成純孝天植辟纁訓子周必強應天啟中拔貢院司上其事奉

旨建坊詔旌其門曰令德天申

查氏陳欽謨之妻年二十謨歿矢志靡他葬若翁復葬若姑撫孤子又撫孤孫州守黃公文麟表揚之以勵幽貞

盧氏陳以翰妻年二十四翰歿無子撫二女織紉惟勤足不踰閩荆布茹淡貞守五十餘年聞於州守林公之翰扁其門曰貞節

周氏石仙嶽之妻深明女教母王氏病革屬纊禱神割股和粥以進母瘳州守旌之

義寧州志

卷十九

列女

六 四百九十五

王氏寧州同知張士璵妻端莊寡言不事矜飾御下以慈經年無厲色會闖寇陷城璵投楚舉義兵王氏避寓奉鄉山中賊兵索急王氏以二稚子付其僕行焚香告天再拜大呼夫名曰夫盡忠婦死節兩無憾也整衣自縊死

附傳

盧氏陳欽寶之妻居處端嚴孤貞四十餘載和熊教子陳嘉璵壬午鄉薦院憲累給扁絹以獎冰操

李氏程其材之妻程九萬程衡之母也夫早殞苦操五十餘年訓子一經俱應歲薦筠心霜節蒙臺使獎勵

黃氏徐漱泉之妻年二十四守節克勤克儉撫孤成人長師孔業儒次學軻任涿鹿衛經歷次時用遊庠諸孫彬彬鬢序孀居紡績買地葬姑及夫有司屢旌其閭卒年八十六

石氏陳嘉祚之妻庠生懋功之母年甫十九祚沒辟纊饑姑
畫荻訓子孀居六十餘年八十有九卒

宋氏吳都宋昇吾之女適泰鄉何希欽年二十八崇禎癸未
希欽從兄定遠統兵會勦靖安土賊師潰陷沒定遠痛激
泣請撫院調官兵再勦身為前鋒戰於干洲桃樹港擒賊
渠李宿十斬首以祭希欽宋氏痛夫死節誓不再醮繚績
機杼延師以教諸孤子汪浩皆有文名州守詳請建坊值
兵火未果

樊氏法英仁鄉樊仕塏之女生而敏慧容度端莊年僅十二
父母踵亡弟永鐳甫七歲姊弟瑩瑩相依為命英紀綱家
政智邁成人及笄衆慕求聘英蹶然曰吾若出適幼弟孤
立父緒墜矣乃對衆自矢終身不字為弟娶李氏生子有

義寧州志

卷十九

列女

七 四百四十

七曰庠序校良噲禎全厥後子孫蕃衍皆由法英撫孤之
勞也生正統庚申沒嘉靖癸未年八十有四永鐳子孫饗
祀不衰

古氏武鄉桃坪周仲舉之妻明天順時仲舉卒遺穉甫閱月
氏守節撫孤賑濟貧乏母吝捐田山置義塚其懿德善行
如此卒年七十有九

補遺

以上宋元明節孝貞烈婦女及善婦女俱依舊志及考
諸書編入列女

國朝

烈婦烈女

劉氏太學周先昇之妻東鄉劉治中君聘之女太常卿周
澣西豕媳也適周克盡婦道順治乙酉李闖潰賊入寧

標掠四出人民離散劉氏奉母避亂於崇鄉之中碌山
寇猝至露白刃欲傷其母劉氏以身衛母罵不絕口賊
益怒劉氏計無所出嚼古吐血遂與母俱遇害賊去里
人葬之後其子必端必誼為之勒碑曰劉氏救母殉節
處其地崇林密蔭雖樵夫牧豎亦罕至迄今數十年古
碑屹立蔓草中其幽光耿耿有不可磨滅者與

補遺

帥氏武鄉下塢時展臣繼室二十一歲適時生一子景夕
勤紡績以奉舅姑甘旨視夫前妻之子宗端如己出順
治乙酉六月李闖遺寇四掠時其夫館瀏陽氏携二子
家居猝遇賊至并擄而去氏罵賊不行賊逼以刃行至
水潭崖遂抱子投崖下而死越數日宗端逃歸以告家
人往視之面如生時年三十一歲後貢性許一愚為作

義寧州志

卷十九

列女

八百

烈婦歌

補遺

涂氏温捷生妻孀居守節乙卯冬楊白巾寇州城涂携女
菊貞子奇梧自上坑而走高塢忽賊分道而出母子驚
散涂抱女匿南姑橋溝飢凍八日恐被污不出女先死
涂抱懷中旋與俱歿

王氏許易之妻年甫三十身方有娠值楊逆寇氛避亂深
谷一日夫出賊衆搜山氏恐被污引刀自刎賊見駭逸
同難人復集救甦次日舉子一愚氏旋氣絕伯母李氏
取乳養之

張氏廩生王頤之妻生員廷獻之女頤聰穎絕倫力學早
卒氏即誓死從夫營葬畢闔戶自經死家人檢視笥中
其身後衣履殮具悉已預備卒年二十有九乾隆三年

旌

湯氏招姑田浦湯永文之女幼許羅寧遠為妻年甫十五寧遠卒女聞欲往送斂不得因櫛沐更衣自縊寢室两家父母為之合葬乾隆三年 旌

溫氏懷遠都廖會文之妻年二十餘居下武鄉高嶺種薯粟自給伉儷甚諧有伍阿四與廖有鄉誼閒過其家一日瞰廖出以金挑之氏叱之以厲聲潛入內納刃袖中自衛伍強欲污之氏即袖刃刺伍伍奪而反刺斷其吭而死州刺史許淵往驗密偵得伍按律治之遂以溫氏烈狀聞奉

旨旌表建坊入祀節孝祠時乾隆七年事也

李氏懷遠都王奕貴之妻生一子一女年方二十四而貴

義寧州志

卷十九

列女

九 四百八十五

死矢志殉夫母聞遺眷防閑甚密月餘氏以言給守者携子女往鄰家閉戶自縊

余氏劉正笏之妻年二十四夫亡以簪刺喉而死乾隆三十三年 旌

陳氏泰鄉四都清水余德憲之妻年及笄歸德憲數載不育私為夫置側室未幾德憲病卒氏年二十五比葬誓必欲與夫同穴自投穴中救之乃解泣請於姑立姪為後姑許之氏朝夕披麻衣伴靈筵者百日遂絕粒而死乾隆四十九年 旌表建坊於三溪口

畢氏馬市人許字同里某氏子某家貧未能成禮未婚以疾沒父母謀再擇壻女佯託三年服終方可至期潛往夫墓焚香號泣歸即經死乾隆中事舉人朱之麟有詩

紀其事

朱氏仁鄉貢生朱德徵之女前湖北保康知縣陳世章之妻嘉慶元年匪賊曾世興倡亂衆至萬餘保康故無城戰守寡策賊蜂擁入署擄掠一空朱氏懷印綬端坐寢室賊索印急持刃脅之朱氏叱曰我朝廷命婦官印在此汝何敢奪與汝印死不與汝印亦死我願速死賊怒遂以長戈貫其胸朱氏竟懷印以死未幾王師征討羣賊盡殲事平士民殮棺塋於保康縣學宮前宜昌同知楊開鏡志其墓題曰忠烈夫人墓八年輿柩歸塋啟棺宛然如生十年湖北巡撫倭什布奏朱氏死節狀請祀節孝祠給銀建坊

楊開鏡書忠烈夫人朱氏墓碑

義寧州志

卷十九

列女

十四百八十

孺人姓朱氏江西寧州人也族本書香幼嫻閨訓于歸陳氏淑慎宜家隨任光遷勤儉佐治迨嘉慶元年二月土賊曾世興作亂陷城孺人懷印綬坐寢室方將守禦之是謀詎意狼羣之大至於是嚴申大義遑顧戕身唾罵百端致遭殞命長戈貫脇猶忿忿以捐生白刃洞胸益喃喃而不已此真貞烈旌表宜膺挹被高風大堪警俗嗟夫垂綱常於巾幗姓氏俱香留正氣於閨闈儀型足武譔次梗概用奠貞魂

樊氏東臯冷秀廷之妻家貧姑老其夫傭力以給饘粥氏負薪供爨火一日拾柴山中盧某欲污之氏叫喊地僻無知者力拒再四遂致殞命當事置盧於法奉

上諭該氏守貞不從被擗身死洵屬節烈著給銀三十兩建

坊牌位入節孝祠其坊建古城嶺

邱氏增廣生李殿登之妻懷遠都邱元振之女殿登力學家貧歲藉館穀為贍養邱氏親操井臼力持中饋連生數女殿登憂無嗣邱氏慰之曰大丈夫患功名不成何憂子嗣不繼乎盍力勉所學殿登韙之丁卯秋試落解以病歸卒邱氏哭不成聲親為殯殮剪髮入棺伏而號曰夫憂無子今真無子矣夫死從子妾真無所從矣惟從吾夫於地下耳跪而起入戶櫪門梳洗更衣從容投繯而死

堯氏居泰鄉湖洞山下與夫羅允麒市茶驛亭嘉慶丙子羅病將死謂堯氏曰汝一身不能活數口我死汝必他適氏泣曰上有老姑下有幼子妾去死飢寒矣因截髮

以誓夫沒氏營塋畢勤紡拾穗供俯仰者二年不給姑引隣媪交勸改醮氏忿然取剪斷其食指姑知不可奪陰與奸媒密謀受人金強縛以嫁之氏覺即取笥中線布鬻於隣媪得錢償債餘市香帛乘夜往拜夫墓遂投深池以死里人聞知鳴於官州刺史周澍召姑切責置奸媒於法買棺殮塋書烈婦堯氏墓時戊寅三月日也查氏陳思汶之妻查玉萬之女歸陳伉儷甚篤值夫病奉侍湯葯累月百計求痊不得籲天願以身代而夫竟沒哭無常聲兀坐無語如醉如痴諸娣姒勸慰之終不省絕食七日而卒

胡氏貢生胡履祥長女幼許介賔王定原之子交庭為妻年二十尚未于歸交庭往省應試歸患病卒於途女聞

訃號慟嗚咽告其父母曰兒命薄未歸王而失所天是
終身無所歸也願從夫子於地下慎勿以兒為憂轉重
兒罪言訖絕粒數日而卒聞者哀之翁姑為迎柩合葬
而以孫繼其後

陳氏安鄉龔世念之妻嘉慶元年十月十一日夫沒氏年
二十一歲生一子沅甫週歲氏即號痛投繯家人奔救
乃免遂強起嚙粥飲水朝夕哭聲不絕口至百日後喪
葬事畢竟絕粒而死

陳氏武鄉蔓江莫遜璣妻年二十六尚未于歸聞夫病篤
涕泣請於父母曰兒以身許莫氏即為莫氏婦也今夫
病危兒願往視父母不許氏泣請再三不得已乃告其
夫家迎之比氏至夫阼危待斃氏奉侍湯葯不寐者數
夕而夫竟沒氏號痛欲從夫地下翁姑力勸仍不飲不
食閱數日而卒時嘉慶八年四月初一日也乃以夫兄
之子繼其後與夫合葬來蘇之源

以上烈婦女十八名已旌未旌新舊一類編入

孝婦孝女

周氏名德貞世居崇鄉寒溪康熙中父孔序沒母陳氏哭
夫喪明德貞遂自矢曰吾與母相依為命敢他適乎因
事母以終其身母將卒析兄弟產以與之德貞持齋茹
素以所餘濟鄰里之貧言及父母輒泣下如初喪時人
稱貞孝女云

許氏奉鄉生員熊勃妻訓導許一愚之姊事姑惟謹姑病
割左股肉和葯以進病頓愈康熙七年時事知州程起

周匾旌儒門孝婦

朱氏貢生周子角之妻國學行愷之母也事舅姑以孝處
妯娌以和接族隣以敬御臧獲以慈雍正七年其姑積
疾瀕危氏刲股調救獲愈年近五旬賫志以歿衆共悼
之

陳氏廩生胡聖緒之妻明經陳昌言長女也幼聰敏授以
書過目輒成誦及笄歸胡溫柔恭順內政無缺值其舅
崇憲卒公車氏掖姑迎柩河干哀動路人後奉侍寡姑
二十五年先意承志無須臾失其歡心夫家與母家居
甚迎氏晨夕問視父母始終不怠及病劇持老姑與母
衽曰吾無所恨但未及終吾老者養耳子恂德懽德容
德環床涕泣惟勗以讀書繼志不及其他卒年四十七

義寧州志

卷十九

列女

十三

四百四十五

鄉里賢之

查氏武鄉查輝璞之女崇鄉太學生胡文炎之妻乾隆丙
午夫歿氏年二十八矢志不奪孝養舅姑己酉歲姑病
篤不能起醫以參茸進不效氏遑遽無策六月十三夜
炷香祝天以齒齧左膊手利刃以刲一臠和湯進食於
姑越一夕神氣疎爽而病起撫三孤成立孫曾繞膝年
六十五

陳氏武鄉帥亮工之妻姑段氏病劇昏不省事陳氏憂之
遂默禱諸神私入後院以刀剗其左股煮肉為湯持而
灌人姑口中甫下咽姑霍然醒疾愈後知陳氏割股事
執手泣曰此吾門真孝婦也太史徐文幹萬承風先後
訪其家美其孝序而傳之

黃氏武鄉千戶吳萬鵬之妻素事翁姑惟謹乾隆乙卯姑李氏患氣疾甚危醫葯無效氏乃焚香默禱執匕首剖左股肉自和湯以進姑食之甘氣疾漸平數日而愈事聞分府姜及州學正吳旌以純孝格天後李氏親見五世同堂壽九十三人稱黃氏之孝感云

楊氏西鄉太平嶺黃勝選之妻年三歲乳抱於黃舅姑早喪賴叔祖母杜氏撫成之後杜病危醫葯無效楊氏即焚香告天引刀剖股以進杜病愈延年楊亦以壽終其媳盧氏夢星妻也夫病篤割股救愈鄉里並稱姑媳之賢云

劉氏奉鄉太學生榮成瑛之妻性最孝嘉慶乙丑夫往省其父於江南儀徵衛署氏與嫡姑及二幼女在家姑病劇諸葯罔效氏夜闌焚香籲天持刀剖左股煮麩和肉以進姑病遂愈越年餘而卒舅告老歸患瘋疾不能行氏孝謹事舅一如事姑十餘年不懈子三長星吉候補衛千戶叔季業儒

以上孝婦女九名新舊一類編入
節孝婦

溫氏奉鄉王天定妻早寡無嗣撫遺腹女奉祖姑及舅姑以孝舅晚舉一子溫為撫育成立議分產悉不受雍正九年旌表建坊於州治山谷巷又建於大里

周氏仁鄉查田匡藩之妻崇祀節孝祠

旌表未詳何年

鄒氏泰鄉洋湖陳宗瑗妻康熙五十九年夫沒氏年十九殮棺時即斷髮以見志服闋有諷以改嫁者遂引刀截

指以誓姑以痛子而亡遺三女一幼子纔四歲俱撫養成立婚嫁氏生一子芳獻嘗含淚教之曰陳氏兩世唯汝與季叔二人倘不能有成何以慰先人於地下芳獻敬承母命甘貧力學既冠遊庠食餼乾隆二十八年

旌表建坊

府志

陳氏崇鄉梁立元妻康熙五十二年夫故氏年二十九計守節四十二載年七十一乾隆十九年 旌

陳氏生員徐鎮衛妻康熙五十三年夫歿氏年二十六守節四十五載年七十乾隆二十三年 旌

劉氏高市增生何榜妻乾隆七年夫沒氏年二十六守節三十一載年五十六乾隆三十九年 旌建坊老道前

張氏奉鄉李其尤之妻乾隆七年夫沒氏年二十生一子

義寧州志

卷十九

列女

十五 四百八十

而天繼重姪為嗣計守節三十四載乾隆四十一年旌表建坊於龍坪石街頭

盧氏儒童周子牛妻康熙五十八年夫沒氏年二十四守節五十七載年八十一乾隆四十三年 旌

周氏武鄉帥匡璠之妻生一子雍正元年夫亡氏年二十四家貧甚母嘗至其家見氏獨啜糠粥嘆曰吾兒命薄子幼飢寒至此何以為生氏疑母諷之也時方梳櫛氏即引火烘髮及眉以示堅貞之志計守節四十三載乾隆四十三年詳請 旌表

張氏武鄉帥匡瓚之妻雍正十一年夫沒遺腹生一子八歲而天立姪為嗣老姑年九十犯鼻衄虔禱於天而愈飲食起居服侍無懈守節四十六載乾隆四十三年詳

請 旌表周氏張氏妯娌守節合建坊於排埠祠側
鍾氏武鄉懷遠都蕭大斌妻乾隆十六年夫沒氏年十九
生一子守節三十載乾隆四十六年 旌表建坊於銅
鼓城東

陳氏泰鄉曾起修妻乾隆十一年夫沒氏年二十一生一
子乾隆四十七年 旌

袁氏武鄉帥正元之妻乾隆三十年夫故氏年二十六生
一子上事祖姑及舅姑皆得歡心無何相繼而沒氏艱
難萬狀喪葬如禮又無何夫二弟與嬸母連天瑩瑩子
立貧窶日甚尤懇切訓課藐孤勤學入泮乾隆五十六
年有司請 旌建坊於排埠上街之左

余氏西鄉儒童曹光廷之妻年十九于歸二十二歲而寡
義寧州志 卷十九 列女 十六 四百五十
心如古井誓不起瀾事舅惟謹姑年七十七左右就養
不衰夫沒時子方一歲備歷艱苦撫成之以乾隆五十
五年 旌建坊於本里雙溪西岸

黃氏武鄉懷遠都鄒玉陞妻年二十餘夫死守節撫孤子
紹祖成立乾隆五十六年 旌表建坊於磨溪陞公祠
前

胡氏奉鄉張大煤之妻乾隆三十一年夫故氏年二十八
苦志訓子九州中義舉如文塔浮橋必命子襄助孫曾
林立五世同堂苦節三十三載嘉慶三年 旌表建坊
於紫霧觀前

周氏武鄉儒童徐肇樸之妻庠生周璞之次女乾隆三十
五年夫沒氏年二十一生二子次子早卒以長子之次

子嗣之苦節五十四載嘉慶六年呈請 旌表建坊於
遺清門內至二十二年生元孫五世同堂咸頌孝節流
光

王氏武鄉監生胡起鳳妻乾隆三十六年夫亡氏年二十
八子二守節三十一載嘉慶六年 旌坊建清溪

胡氏奉鄉張熒成妻乾隆二十八年夫沒氏年十七尚未
于歸遂往夫家奉養舅姑矢志守節四十載嘉慶七年
呈報建坊於老屋廡

張氏奉鄉候選縣丞王山妻乾隆二十八年夫沒氏年二
十四守節五十三載壽七十有七嘉慶八年詳請 旌
表建坊於水碧源

戴氏西鄉監生孫榮祖妻乾隆四十年夫沒氏年二十八

義寧州志

卷十九

列女

十七 四百六十

一子守節三十一載嘉慶十年 旌表建坊

匡氏仁鄉徐彩五之妻年十六于歸每夕一燈佐讀事翁
姑孝養備至夫歿氏年二十五子元勳方四齡比欲身
殉姑力勸乃止氏遂親操井臼勤織紉苦積餘貲家賴
以興其課讀嚴而有法嘗執夫遺卷授之曰汝父兩應
童試未獲上達臨終命教汝勤學以成厥志汝父手澤
猶存何可忘之自是元勳謹遵母教至於成立而其孫
濟濟膠庠是皆闡訓之詒也嘉慶十一年州牧賀詳請
旌表給銀建坊查市上街大宗伯萬文恪公題其綽楔曰
天錫崇坊氏性好施與如捐貲建橋輸穀濟飢鄉里咸
德之守節五十五載壽八十一

袁氏武鄉耆民袁元有女西向儒童周緒瑋妻乾隆四十

三年夫亡氏年二十九遺五歲孤夫病革時語氏曰我知汝必能相從地下然撫孤全嗣責在汝慎無輕生氏涕泣受命矢志米霜勤儉操持積而能散子監生鴻業承慈訓嘉慶二年重修里中仁壽橋二十四年捐穀百石於祠權子母以贍族人道光元年置祭田十畝以供祖祀諸凡義舉隨力解囊嘉慶十一年有司上其事給銀旌表建坊於本里之橋頭舖

萬氏安鄉徐完璧妻乾隆五十一年夫亡氏年二十七一子庠生桂芬守節二十五年嘉慶十五年旌

陳氏武鄉儒童袁文陞妻少歸袁生子璘數歲而寡苦節者數十年為璘娶同里胡起鰲女入門即得姑心璘早喪胡氏時年二十餘繼姑守節事姑孝訓其子成至於

義寧州志

卷十九

列女

十八 四百九十

成立嘉慶十六年旌表建坊於東澣堂叔永興令袁珥詩曰松柏有心竹有筠皎皎秋空孤月輪賢母清節差可擬芳行要將彤管陳上有孀姑下弱息俯仰事畜兼一身可憐昔時茹荼者冰霜刻厲幾青春一門雙節古亦少若此嗣徽更苦辛

查氏仁鄉上三儒童朱悅心之妻夫病卧年餘氏侍湯葯不離及夫卒絕水漿累日時年二十八翁姑年老事之如夫在時生一子苦志教養成人性尤喜施濟好行善事見有字紙糊窻者以紙易之付流水見捉魚螺者買放諸河現年八十八歲孫曾繞膝以嘉慶十六年旌表

王氏泰鄉陳寧晃妻乾隆三十八年夫沒氏年二十歲一

子守節四十載嘉慶十七年 旌表建坊於洋湖

黃氏崇鄉陳美山妻夫力學而氏勤績書聲紡聲中夜常相應也無何夫疾不起臨危目視黃氏黃氏泣曰生死壽天命也守節婦人之分也夫子有不諱母戚戚以妾為慮喪事畢矢志勵操時氏年二十六長子三齡次子甫二月老姑在堂嘗抱孫折足一載未愈氏日夜勤侍湯藥扶持惟謹撫二子皆能恂恂孝敬嘉慶十八年有司詳請 旌表卒年六十有六

謝氏武鄉懷遠都例貢蕭菁之妻乾隆二十七年夫沒氏年二十歲一子守節四十一載嘉慶十八年 旌表建坊於銅鼓西門外蕭宅傍

李氏奉鄉湖山太學生張問政之妻監生李芾之女年二

十四夫沒長子甫六齡次子始誕三日氏痛不欲生舅姑慰之再三乃已撫二子飲食教誨至於成立常心慈而色嚴及舅姑既老且疾日侍湯藥敬慎無少懈嘉慶十八年呈請 旌表建坊於湖山之水北社前

嚴氏高鄉陳麟佩之妻乾隆三十九年夫沒氏年二十二子方五齡獨力摒擋家政敬事孀姑九州中義舉必命子貢生大鯤慷慨飲助守節五十一年壽七十嘉慶二十年請 旌建坊通遠門外犀津之北岸

陳氏泰市胡組德妻乾隆四十九年夫沒氏年二十四繼姪為嗣嘉慶十七年氏故守節二十九載嘉慶十八年 旌表建坊於黃田

韓氏泰鄉儒童傅琴堂之妻年十八于歸夫病不起呼天

號泣嘔血幾絕救之始甦時年二十有八家極貧夫兄皆早世有子二長二歲次生僅六月氏紡績鍼紉徹夜不輟撫二孤成立有老姑夙患痰疾以三子皆喪病益篤氏聞有名醫盡質粧具不憚道遠延之既死葬祭如禮以嘉慶十九年 旌表建坊於三都市

盧氏仁鄉彭采藻之妻乾隆二十九年夫沒氏年二十九一子計守節五十載嘉慶十九年有司詳請 旌表給銀建坊於坳頭大塘源下

徐氏奉鄉王浩妻乾隆二十七年夫沒氏年二十繼姪為後茹素終身若節五十四載嘉慶二十一年 旌表建坊於寨里

熊氏奉鄉劉榮千之妻乾隆二十九年夫沒氏年二十四二子守節五十一年嘉慶二十三年旌

郭氏懷遠都李閏贊之妻乾隆五十二年夫故氏年二十一繼姪為嗣守節三十一載嘉慶二十三年 旌

鄒氏武鄉懷遠都贈儒林郎賴錫書妻乾隆四十九年夫故氏年一十九于歸僅七月無嗣以姪繼其後守節三十五載嘉慶二十三年州牧周請 旌給銀建坊於征村之黃荆洲宅左

幸氏仁鄉儒童樊天篤之妻太學生幸待旦之女天篤嗜學早卒遺孤長四歲次僅一周幸氏時年二十六誓死靡他虔奉老姑撫成弱息每勗其子屏翰讀書應舉嘗曰汝父不及教爾吾所冀於爾者盖不忘爾父之志也年八十而卒嘉慶二十四年 旌表建坊於大橋灣

熊氏武鄉艾大烈妻乾隆十八年夫故氏年二十五一子守節五十五載卒年八十嘉慶二十四年旌

賴氏懷遠都李開源之妻乾隆四十二年夫沒氏年二十三繼姪為子守節四十一載卒年六十三嘉慶二十四年旌表

洪氏武鄉懷遠都邱槐英妻乾隆四十九年夫亡氏年二十子冠廷戊辰科武舉守節三十三年嘉慶二十四年旌表建坊於黃陂坑

王氏奉鄉張大瑜妻乾隆四十六年夫故氏年二十四一子守節三十九年嘉慶二十四年旌表建坊於本里

王氏崇鄉葉中華之妻乾隆四十三年夫沒氏年二十二繼姪為子守節四十七年嘉慶二十五年旌表建坊

義寧州志

卷十九

列女

二乙

四百六十五

於本鄉筭場坵

熊氏奉鄉觀溪儒童張坤成之妻武鄉田浦太學生熊鼎望之女年二十六夫卒哀極欲與俱死以有身或可延夫一綫祀飲恨自活四月得產遺孤家赤貧閉戶勤紡績易粟減自食以養舅姑撫孤瑾成人年六十九矣州刺史周雨亭廉得貞行欲為詳請熊氏不忍夫短折成己名將使子辭既而曰我侯為政重風化如此貧嫠婦顧敢以硜硜志阻我侯德意耶以嘉慶二十五年旌石氏仁鄉彭鑿纓之妻居洪源乾隆五十九年夫沒氏年二十八生一女無嗣家貧甚買棉織布帶以營生自運薪水節衣省食償亡夫積欠數年後求族中三歲兒撫之殤復哀求於族得一姪為嗣自夫亡後一飲一食必

先獻於位前既乃與女餒於位側至二十餘年如一日
嘉慶二十五年有司詳請 旌表親族怜其苦節為同
力建坊

劉氏武鄉龔大立妻乾隆二十八年夫歿氏年二十六一
子守節五十七年嘉慶二十五年 旌坊建黃岡墩

徐氏懷遠都賴大紳之妻乾隆五十八年夫沒氏年二十
二歲遺腹生子芳婚教成立甫弱冠未育而亡復繼二
姪孫為子立後延師課讀勤能操作敬奉老姑訓飭嫠
媳共矢柏舟道光元年 旌表建坊西門丁田里

莫氏武鄉 誥封儒林郎戴立精之妻年二十三歸戴二
十九而夫沒長子二歲次甫生五月鞠孤備歷艱辛及
長訓以義方俱成名事舅姑孝養生送死皆如禮守節

義寧州志

卷十九

列女

二二 四百七十八

歷數十年如一日以道光元年 旌表建坊於銅鼓石
下稗洞左山下

周氏武鄉儒童帥載烈之妻甫生抱適帥乳育於其姑及
夫病劇祈以身代夫卒孤未及週氏年僅二十二歲不
忍棄其姑而死適姑病遣兒買葯於市烈風雷雨行經
巨樹下甫過去而樹為雷碎倒兒歸無恙人以為孝感
所致道光元年 旌表建坊於望仙橋溫泉宅后

吳氏武鄉懷遠都儒童謝之瓊之妻乾隆四十四年夫沒
氏年二十四上事舅姑下撫孤子清儉勤勞漸至小康
內外無閒言道光二年計守節四十三載有司詳請
旌表建坊於二十二都青草墩左岸

陳氏仁鄉朱光宙妻乾隆四十年夫故氏年二十六繼姪

為嗣守節四十八載道光二年 旌

陳氏泰市儒童胡效芬妻嘉慶元年夫卒氏年二十七閉戶辟纊孝養舅姑及舅沒事老姑唯謹繼姪為嗣守節二十八載道光二年 旌現年五十五歲

涂氏安鄉九都黃希巍之妻嘉慶二年夫故氏年二十八孝事舅姑生二子撫養成立辛苦積累丕振家聲次子際元例入太學諸孫林立計守節二十八載道光三年 呈請 旌表建坊

陳氏武鄉生員袁澡妻嘉慶四年夫沒氏年二十六生一子教養成人列名庠序守節二十五載道光三年 旌

胡氏崇鄉職貢陳慶基之妻年十八歸陳篝燈佐夫讀書夫病晨夕奉湯葯值夫仲兄鶴鳴在京候選未得音耗

義寧州志

卷十九

列女

二二三 四百八十五

夫病且亟而老姑在堂心益焦急氏忍涕曲慰務得姑歡及夫卒氏年二十九一子甫十齡慈以撫成仍嚴以訓課事姑十餘年夫沒後孝敬彌篤喪祭俱盡禮現年五十二道光三年詳讀 旌表建坊

李氏高鄉徐秋濂之妻乾隆四十九年夫沒氏年二十四痛夫無嗣請於族立姪以繼其後延師教讀成立孫枝蔚起守節四十一年道光三年 旌表建坊於杭口市

陳氏仁鄉東臯冷茹連之妻柏井駙巡檢陳梓之女及笄歸冷相夫讀書年二十五夫卒矢志守貞閉戶不出雖親鄰罕覩其面事舅姑愛敬備至舅沒姑病常在牀第氏奉養不離左右撫四歲孤兒至於成立道光三年詳請 旌表守節三十一載現年五十五歲

周氏武鄉蔓江莫錫周妻乾隆五十四年夫沒氏年二十
六引夫佩刀斷食指截髮入棺以自誓家貧勤苦操作
夜無燈燭燃薪紡績不輟奉舅姑以孝教二子以嚴苦
節二十戴卒年四十五道光三年詳請 旌表

以上已旌節孝婦五十九名新舊依年分編次其未
及請旌者並列於后

盧氏熊習善之妻三十而寡子在襁褓苦節自勵教課不
輟子奇遇蜚聲膠庠年八十而卒

陳氏黃陂方曰春之母姑性僻而苛陳氏恭謹遜順必得
姑歡貞操寡言孀居數十載年八十餘

以上俱庚申州志

周氏明司寇期雍曾孫女庠生陳懋覺之妻年二十七而
覺沒哀痛瀕絕者數次時姑年老慰諭節哀氏乃屏去

義寧州志

卷十九

列女

二四 四百八十

簪珥衣簏食糲力撫藐孤凡鄰族婚慶筵席終身不與
後子宜仁早歲成名氏年四十有九卒

劉氏庠生胡崇宣之妻年二十而夫沒泣欲身殉服砒三
日嘔血數升不死妯娌婉慰之曰姑老無嗣養祀將誰
托耶氏洒涕勉從立姪科為後訓課篤於親生守節四
十餘年未及旌揚卒

周氏徵士孔熙之女陳以蘊曾孫懋光之妻年二十九而
寡心貞冰雪時際寇氛携兩孤竄徙山庄力持家政安
厝祖骸州守班公嘗紀其事畫荻課子荼苦備嘗長男
昌言次男侃言俱成名奉慈訓樂善不倦屢建義舉子
孫累世簪纓均賢母之貽也

方氏陳以儷妻年三十而寡子幼家貧復遭兵火朝夕瑩

瑩氏矢志靡他撫子欽鉦力課幼弟越成名後孫濬淇猷及重孫謨等俱列膠庠壽八十有四

姚氏仁鄉朱為爾妻年二十六而夫沒僅舉一兒家事叢脞氏辟纊苦守矢志靡他延師課子朱心典應乾隆丁巳歲貢中丞張學憲李疊旌其廬壽八十五卒

胡氏後山廩生余師妻師力學勞卒氏年二十七綜理家政矢志柏舟令子肇街克自樹立先緒不墜皆母力也卒年六十

徐氏高鄉良塘生員陳巽言妻夫力學早卒徐守義撫孤其子年當就傅欲延明師教之聞余先生九玉名不遠數百里延至其家訓子及孫邑之時髦亦多得先生指畫焉氏子孫皆能成立孫惠侯乾隆乙酉舉人補傳

義寧州志

卷十九

列女

二五 四百八十五

朱尊三之妻余氏

生員陳懋蘇之妻盧氏

余孟岐之妻徐氏

生員陳嘉濬之妻吳氏

余氏生員胡崇宿妻何氏胡聖紳妻陳氏胡聖緝妻周氏

胡聖繕妻一門四節並厲冰霜以上俱丁巳州志

韓氏傅允滙妻年二十八而寡苦節四十五年臨終沐浴集子孫勗以孝弟而逝學使于振匾曰荻影霜清

胡伊渭之妻何氏年二十三夫亡不食而死

胡氏生員張鋼妻年二十五夫亡奉孀姑姑病痰氏親為浣滌所居敝廬大雪椽折墮地氏以身庇姑姑椽傷其背卒無恙一子亦早卒撫孫成立苦節三十七年

陳氏生員何鳴鳳妻事舅姑孝敬備至年二十四鳴鳳疾不起氏剪髮入棺復投繯不死舅姑亟勸慰之乃躬自

紡績積所餘資修河頭橋以利往來鄉里義之守節二十一年而卒

冷氏朱光炯妻年二十四夫亡即戴髮入棺以矢不二家貧姑老勤紡績以供養課督二子一孫皆有聲庠序守節三十年而卒鄉里稱之

李氏武鄉帶溪太學生胡希相妻年十九夫沒繼夫兄子為嗣鞠育訓誨愛如己出奉養舅姑終始無違嘉慶元年以姪夢蘭官 貽贈孺人補傳

王氏奉鄉龍坪李正先妻王世禮之女年甫笄夫亡撫三歲孤情德慈嚴兼篤教訓有方情字宗善太學生聰敏善屬文著有閨廬集氏卒年八十三補傳

王氏奉鄉贈文林郎榮欽聖之妻年二十六夫沒一子甫

義寧州志

卷十九

列女

二六 四百四十

七齡氏力持家政茹冰飲雪事姑以孝聞訓子課孫外嚴而內慈孀居數十載笑言不苟卒年九十有三以孫

錫鵬貴 貽贈太孺人補傳

熊氏奉鄉港南儒童何超萬之妻乾隆十九年夫沒氏年二十二生子國學生元易勤勞儉約慈訓有方上奉舅姑敬養備至嘉慶十五年州治公建浮橋氏捐田租十五石以備供修之資計守節六十載卒年八十二補傳

游淑襟妻莫氏 向榮蔭妻黃氏

向勝爵妻瞿氏 國學黃茂春妻王氏

熊偉智妻劉氏 饒維溥妻桑氏

饒維治妻周氏 劉 湘妻車氏

饒賢章妻許氏 饒肇圖妻鄭氏 以上俱府志

以上俱州郡舊志

廖氏黃科文之妻雍正十年夫故氏年二十九撫一子舉六孫有入泮者守節五十七年壽八十五

汪氏吳遜桂之妻乾隆二十六年夫歿氏年二十生一子周從既冠娶媳汪氏于歸十四年而周從又歿氏年二十七生一子克遵慈訓姑年八十二守節六十二載媳年六十四守節三十七載冰雪雙清鄉里重之

鄒氏安鄉胡超哲之妻乾隆二十三年夫沒氏年二十三一子甫半齡清操厲節事繼姑以孝聞苦節六十載如一日卒年八十二

時氏武鄉脉灘劉朝黼之妻乾隆二十四年夫沒氏年二十二撫遺腹子教養婚娶以成家室貧苦操持已常枵

義寧州志

卷十九

列女

二七 四百五十

腹奉舅姑必以甘旨守節六十載孫曾林立卒年八十有三

劉氏奉鄉儒童榮瀚寵妻武鄉善耆劉思朝女既笄歸榮纔四年生一女而夫亡時年二十六無子繼夫兄之子為嗣撫教成立備歷艱苦者數十年五旬後族戚憫之欲為呈明請旌劉氏堅却不允曰吾豈忍幸夫歿以為名耶事遂寢壽八十餘而終女適帶溪武孝廉胡濟源

謝氏黃朝玕之妻乾隆二十五年夫故氏年二十八生一子敬養舅姑三十年守節五十六載壽八十三

羅氏懷遠都葉洪盛之妻乾隆二十二年夫故孝養尊嫜慈訓諸孤孫枝蕃衍守節五十六年壽八十五子四孫

九曾孫十有四元孫一五世同堂節壽延慶

熊氏奉鄉張濤成之妻及笄嬪於張饗殮常不繼已而夫死氏年二十二茹荼自守篝燈紡績有子一人為之娶婦舉二孫次孫甫周歲而子又歿熊氏撫二孫皆有室次孫傭工鄰家歸省祖母遇甚雨渡河溺焉氏惟長孫是依形影相弔數十年備歷艱瘁力撫二世孤猶延張氏一綫焉年八十有六無疾而卒

徐氏仁鄉冷顯聞之妻及笄于歸越八年顯聞卒徐氏誓以死殉其姑盧氏止之曰汝有娠獨不為宗祀計耶盧嘗禱於九宮山是夕夢神告曰爾無憂爾新婦當於某月日生男已而果然徐撫遺孤教誨之一一曲承姑志其子孫能繼書香皆徐氏之貽云

義寧州志

卷十九

列女

二八 四百九十

吳氏武鄉袁暄道妻乾隆二十七年夫故氏年二十七撫六歲孤應元窮苦教讀己亥入泮數年病卒媳亦旋亡又撫二歲孫教育成人苦節五十六戴壽八十三書氏武鄉袁文試妻乾隆三十一年夫故氏年十七撫遺腹子家窘甚以鍼紉度日辛勤督課嘉慶三年元夕無疾而卒計守節三十一載

樊氏儒童朱虞書之妻年二十五夫卒一子纔三歲矢志自守奉事舅姑行年九十三歲鄰里稱之

查氏儒童徐介黃之妻孝事姑嫜歷盡艱辛年二十九夫沒長子七歲次甫生三月氏矢志柏舟白首不渝教其子太學生建標成名現年八十四歲守節五十五載李氏奉鄉大路王均華之妻乾隆三十二年夫故氏年二

十四生一子矢志撫養至十九齡夭沒乃請以夫弟之子承祀苦節五十三載壽七十八

沈氏于氏閩郡丞陳鏌之妾鏌沒沈年二十九生二子守節五十六載壽八十四于年十九無出守節五十三載壽七十一

胡氏高鄉張秀升之妻乾隆三十一年夫故氏年二十三越四月生一子鞠養成立苦節五十年壽七十三

龍氏奉鄉王天斜之妻年二十二夫沒生一子教養婚娶連舉二孫無何子媳相繼而沒撫孫成立苦節四十九年壽七十一

陳氏泰鄉劉象潛之妻廩生陳芳獻女孫孝廉劉學後之媳也年十七歸劉次年生一女越一年而象潛卒陳哀

義寧州志

卷十九

列女

二九 四百七十五

毀骨立服闋後鄰嫗見其髻年諷之再醮陳泣曰妾本儒家子側聞古共姜事矣若誠愛我胡不勉我以大義耶麾之去自是奉侍舅姑撫成弱女繼小叔之子為夫後白首完貞里黨稱之

胡氏儒童陳潤東之妻明經硯仙第二女也年二十歸陳未幾舅姑繼喪事繼姑黃氏惟謹其夫讀父牧臯孝廉書每以不獲及父在而成名遂鬱鬱賚恨以歿胡氏歸陳纔六年夫死守節上唯衰年病姑下一子甫三歲艱險子立為夫喪葬俱如禮嘗泣謂姑曰吾不難以一死謝夫子所不即死者為老姑與孤兒耳後教其子振家成立值州節孝祠久圯州刺史李欲謀修葺胡氏聞其事屬其子曰此爾父未竟之志也立命鼎新之年六十

三而卒

鄔氏儒童邱美山之妻歸邱克敦婦道夫染沈疴氏每侍湯葯不就枕年二十六而夫卒誓與俱死其姑止之子方六歲茹荼撫育值舅病百計求痊不得愈益悲痛後惟與姑相依姑年至八十一事之無少懈嘗為子聘婦七歲病瘋左手不瘳卒歸娶而生子氏代為襁褓提攜蓋祖母一如母矣氏無兄弟携其子營葬其母并囑其後無得失祭掃年七十有七無疾而卒守節五十二載陳氏安鄉九都彭顯瑄之妻乾隆三十三年夫没氏年二十二道光四年壽七十八計守節五十六載

萬氏仁鄉水源儒童朱能久之妻年二十六而夫亡一子方三歲氏貞靜自守不苟言笑翁姑年俱八十餘事之唯謹撫其子俾至成立不為姑息計守節六十四年壽九十而終

吳氏上奉鄉江頭太學生王傑之貳室初傑正配榮氏勤能淑慎艱於嗣勸夫置側室聞吳氏之賢幣而歸之柔婉靜穆內外諧和乾隆三十五年夫故氏年二十五生一子一女辛勤操持事榮氏如姆甚得歡心撫孤成立子立元循例入太學凡延師禮賓周貧恤困從容調度皆善苦節五十四戴年七十有九康健精明孫曾林立長孫欽入郡庠

吳氏仁鄉東源太學生冷宗魯之妻年二十八夫歿哭泣悲痛幾死者數生一子早卒繼立夫兄之子為嗣敬事姑嫜晨羞夕膳必精潔以奉撫其子長成令循規蹈矩

不為姑息計年七十萬文恪贈以節壽齊稀匾訓孫曾以詩書壽八十而終

王氏武鄉青洞儒童胡希仁之妻年二十六夫故生二子長方三齡次僅周歲氏勤儉紡績教養成人辛苦飢寒從無怨色苦節六十載壽八十五

徐氏武鄉莫秉彝妻乾隆三十八年秉彝客死於京邸氏年二十八迎柩歸葬畢閉戶自經姑覺解免撫育二孤紡績營生母嘗諷以改適氏拔簪刺兩耳入寸許血流被面於是無敢勸嫁者遂終身病聲苦節五十一戴年七十九

李氏增廣生查賡泰之妻乾隆三十八年夫沒氏年二十六貧苦迍邐以鍼黹自給撫賡泰元配廬氏子視如己出克成家室計守節四十四載卒年六十九

張氏高鄉陳時敏之妻乾隆三十八年夫故氏年二十貧無立錐勤事紡績以奉孀姑撫養孤子成人苦節三十二戴年五十二

鄒氏泰鄉傅勳燐之妻年二十六而寡家貧事翁姑有至性生二子孱弱多病一姪甫生數月而母死均能撫養而婚娶之常勗子姪以孝謹忠厚家無猥薄之風苦節四十五年七十有一而卒

黃氏安鄉九都涂崇茂之妻乾隆三十九年夫故氏年二十七堅貞自持四十九戴內外無間言壽七十六

梁氏崇鄉大石口何秀萬之妻乾隆四十一年夫故氏年二十五生一子計苦節四十九年壽七十三

饒氏泰鄉七都徐佑元之妻乾隆四十一年夫沒氏年二十九生一子一女清操苦節四十九年如一日壽七十八

郭氏泰鄉余德慳之妻乾隆四十三年夫沒氏年方十八生一子翁姑以氏青年勸之改適氏號痛不欲生乃止遂親搽井臼紡績營生撫孤完配連毓孫枝茹苦數十年闔內不聞言笑聲

張氏高鄉查琳橋陳如學之妻乾隆四十四年夫故氏年二十七生二子長方五齡次方三月時翁姑既沒辛苦萬狀氏獨力支持勤紡績以教養二子至於成立里閭有賢婦之稱計苦節四十六載壽七十二

許氏奉鄉張煌成之妻乾隆四十四年夫故氏年二十二生一子苦節四十六載年六十七

義寧州志

卷十九

列女

三二 四百六十

石氏泰鄉增生徐尚樸妻年二十九而夫沒一子佩左僅十齡家故貧又值荒歉勤女紅以自給娶婦余氏生子甫八歲而佩左卒余氏時年亦二十有九見其姑哭子幾喪明愀然曰吾固可以死矣第吾死必重姑憂且予死者以不安與其報死者以一死孰若報死者以未終之養與未絕之祀庶幾了未亡人之責耶自是婦姑相依織紉以資饗殮稍有贏即以分鄰里之貧苦者石年八十餘余亦六十人稱雙節云

胡氏奉鄉湖山張維熺之妻乾隆四十五年夫沒氏年二十一生一子甫數月以養以教至於有成計守節四十四載年六十五

查氏武鄉陳超梧之妻年二十三夫沒無子薄有貲財諸昆欲以子繼之廼立二姪為嗣家道中落氏無怨言事舅姑朝夕侍左右私藏金一笏寄母家歲取息養姑自以鍼黹營生三旬九食嘉慶乙亥年六十五病將死告姑曰兒死老姑必無所依兒有寄金願奉老姑備養葬事瘞兒以薄櫪足矣嗚咽而卒

劉氏高鄉陳廣敷之妻乾隆四十六年夫沒氏年二十五家窘甚清操自守奉老姑撫幼子始終不易其志苦節五十餘載

張氏高鄉儒童嚴允貞之妻張彩蕃之女年十九于歸閱九載而夫沒敬養尊嫜撫孤子克自樹立苦節三十六年壽六十四

義寧州志

卷十九

列女

三三 四百五十

張氏仁鄉彭燕東之妻乾隆四十八年夫沒氏年二十三歲生一子敬事姑嫜二十載孫曾林立守節四十一年壽六十四

許氏奉鄉江頭王介西之妻乾隆四十八年夫故氏年二十九無子誓以貞操自厲奉養舅姑繼姪為嗣教養成人計守節四十二年壽七十一

嚴氏高鄉李厚河之妻乾隆四十九年夫故氏年二十二事姑訓子無違孝慈守節四十載年六十三

陳氏安鄉九都彭璜祖之妻乾隆五十年夫故氏年二十四苦節三十二載卒年五十六

黃氏沙溪儒童謝大鵬之妻二十四歲夫沒足不出門戶逮事舅姑皆盡道撫二歲孤長成傭力為生至蔓江沒

於水氏復撫其一孫歷盡坎坷始終不渝現年七十四歲

李氏高鄉儒童陳拱裳之妻乾隆五十年夫故氏年二十四生一子甫三月勤勞鞠養苦節三十九戴年六十三歲

陳氏崇鄉周行遠之妻乾隆五十年夫沒氏年二十四生一子終身淡泊素服侍奉老姑惟謹身不出閨闈之外苦節三十六載而終

陳氏鄭希陸之妻乾隆五十三年夫沒氏二十七歲生子十一齡而夭繼夫兄三子為嗣教養備周守節三十六戴年六十二

劉氏武鄉儒童鄧宗堯之妻年二十五夫沒遺孤五齡教養有成翁姑登高壽劉氏奉事惟謹茹苦甘荼五十二年壽七十七

義寧州志

卷十九

列女

三四

四百三十五

郭氏懷遠都賴錫祥之妻乾隆五十四年夫沒於省垣書館迎柩歸氏始覺痛欲自殞舅姑勸以繼立乃解氏年二十八繼姪南二齡至七歲病目盲醫不効氏日夜泣跪禱天數月後一日忽明年六十四計守節三十五載胡氏奉鄉儒童王揚庭之妻胡濟盈之女乾隆五十四年夫沒氏痛暈絕者三旋就雉經得救乃免氏時年二十六遂強起持齋誦般若奉尊嫜以敬訓藐孤以嚴足不踰閨闈者三十六戴

王氏武鄉西向周大鋤妻乾隆五十五年夫卒氏年二十六有子一甫兩週苦志鞠養奉侍姑嫜惟謹計守節三

十五年

余氏泰鄉五都橋頭陳聘三之妻乾隆五十六年夫沒氏年二十八無子繼夫五弟之子為嗣視如己出敬事舅姑終其身守節三十三年壽六十一

梁氏崇鄉大石口周涵萬之妻乾隆五十九年夫故氏年二十三生一子撫育成入貞操不倦計守節三十一年張氏奉鄉儒童鄒星環之妻張勝堦之女乾隆六十年夫沒氏年二十八欲矢志殉夫家人勸以有老姑幼子在赴死易養生難遂勉從而止含貞茹荼計苦節三十年楊氏仁鄉東源儒童冷元初之妻二十一歲夫卒矢志不貳閉戶辟纁雖家人罕聞言笑敬慎事姑始終弗衰撫其一子成人守節四十年現年六十

義寧州志

卷十九

列女

三五 四百七十

徐氏武鄉田畔時本亭之妻太學生徐風孫女二十一歲歸時勤織紝佐夫讀書病亟涕泣請禱願以身代比卒一慟而絕妯娌救之始甦其事舅姑生盡敬而死盡禮夫沒後雖家貧如洗而時薦不缺遺孤惟一女懇懇欲為夫立嗣夫兄弟哀其志各予一子為之後現年五十五歲計守節二十八載二子俱早卒其媳王氏徐氏各生二子矢志撫之

胡氏奉鄉江頭王俊勛之妻年二十七而寡家貧無子氏矢志靡他閉戶紡績自給備歷艱苦者四十餘載現年六十九歲

胡氏奉鄉蕭士欄之妻十七歲歸蕭二十六歲而夫卒氏矢志不二勤儉自守撫三子成人現年五十九歲守節

三十三年

陳氏武鄉黃書聲之妻嘉慶二年夫故氏年二十五上事舅姑下撫二子勤儉持家俯仰裕如苦節二十八載年五十二

袁氏武鄉西向周大鋸妻嘉慶三年夫亡氏年二十五月餘生一子家貧甚紡績營生育子成立縞素終身計守節二十七年

吳氏上崇鄉王梁義之妻嘉慶三年夫沒氏年二十三子生方五月氏矢志不二時翁姑俱老奉養惟謹撫己子及前妻幼子教讀婚配已成宋室翁素有痔疾衣禪多污氏必親為澣濯及翁沒夫弟集義廬墓三年所需菓蔬衣食氏必手製遣送以成叔志其孝養節操如此

義寧州志

卷十九

列女

三六 四百六十

葉氏泰鄉八都儒童劉人杰之妻嘉慶五年夫故氏年二十六生一女繼姪為嗣不壽氏以家世詩禮冰雪盟心敬奉舅姑苦節二十五年現年五十一歲

胡氏奉鄉榮錫楠之妻嘉慶七年夫沒氏年二十八生一子辛勤鞠養敬事尊嫜守節二十二載年五十一
余氏泰鄉儒童陳修名之妻嘉慶八年夫沒氏年二十九奉侍舅姑撫孤成人苦節二十一年

何氏高市太學生周仁壽之妻庠生何逢年之女嘉慶十年夫故氏年二十九生二子二女皆幼穉氏摒擋家政勤儉清苦教養婚嫁悉有條理里黨咸稱賢貞計守節二十年

王氏奉鄉龍坪李纘傳之妻大里王宸臣長女年十八夫

沒以舅姑年老無人奉養誓不再嫁親操井臼勤紡績以供甘旨既乃撫牀次子家鈺為嗣教養備至道光四年疾卒計守節二十三載

萬氏泰鄉清水余克諧之妻康熙五十九年夫沒氏年二十八撫遺孤成立教讀婚配氏日運薪水夜勤紡織久漸小康計苦節二十八載卒年五十六

李氏高鄉查彥紹之妻乾隆五年夫故氏年二十九生二子家徒四壁藉織紝以營生計守節五十一年壽八十徐氏武鄉月嶺儒童時從惠之妻乾隆十六年夫歿氏年二十七生二子篤課甚嚴長子本峻例入太學事老姑先意承志辛勤紡績垂老弗怠計守節五十一載卒年七十八

義寧州志

卷十九

列女

三十七

五百六十八

賴氏懷遠都朱正選之妻乾隆十七年夫故氏年二十四生一女繼姪為嗣計苦節六十載壽八十三

余氏懷遠都郭京選之妻事舅姑以孝謹姑歿哀毀如禮二十二歲夫亡無嗣氏痛不欲生舅止之勸為立後乃繼長房之次子為嗣已而舅死子方垂髫伶仃孤苦教誨成立無何子年三十而亡遺弱孫三人氏與媳張氏氏辛勤撫育余氏年五十五歿苦節三十三載媳張氏苦節三十四載卒年六十二人稱雙節云

戴氏仁鄉西源儒重鄭獻英之妻年二十二適鄭二十七歲而夫沒氏矢志柏舟家貧紡織自給事舅姑惟謹撫二孤俱長成長子鳴謙道光四年入泮守節三十載現年五十七

孔氏高鄉查琳橋陳龍川之妻乾隆二十二年夫故氏年二十一遺腹生一子榮茂苦志鞠養慈訓肫篤及子弱冠而歿與媳車氏同撫孤孫成立計苦節六十一戴壽八十二

車氏陳榮茂之妻乾隆三十九年夫歿氏年十九生遺腹子廷湖既長入太學事孀姑孔氏敬養無違嘉慶三年匪教滋擾氏承姑命助鄉勇食穀數十石以資鼓勵計苦節五十一載現年七十兩世嫠孤人比之柏節筠心堯氏良塘陳鎮廷之妻乾隆二十七年夫故氏年二十三生二子苦節四十八載卒年八十一

艾氏安鄉劉廷拔之妻乾隆五十年夫亡氏年二十三生二女無子立夫兄之子兼萬為嗣事孀姑以孝謹聞守義寧州志

卷十九

列女

三八

四百四十

節四十戴卒年六十二
查氏徐自立之妻乾隆五十年夫故氏年二十八貧無立
錐矢志撫孤終身言笑不苟現年六十七計苦節四十年

彭氏武鄉月嶺儒童時本賊繼室甫笄適時生二子乾隆四十九年夫歿氏年二十五計苦節四十年現年六十五次子鏘道早卒媳黃氏年二十九撫其遺孤亦矢志勿貳

王氏奉鄉張尊一之妻年二十四夫亡無子繼姪為嗣守節四十年壽六十四

葛氏懷遠都劉明三之妻乾隆五十二年夫故氏年二十五生二子教養婚配備歷艱辛計守節三十三年壽五

十七

劉氏太學生何津側室嘉慶二年夫故氏年二十八勤儉理家慈訓有方子其盛例入太學守節二十八戴現年五十六

張氏奉鄉榮欽綱之妻乾隆二十三年夫沒氏年二十九撫孤成人終身淡泊苦節三十八年壽六十六

王氏奉鄉觀溪張亮宏之妻年甫二十而寡誓不再醮茹苦自甘事尊嫜孝養不衰生一子名瑞成娶李氏年十九而夫又亡矢志一如姑事姑鞠子以孝慈聞並勵子勤學姑媳皆青年守節冰雪雙清

王氏仁鄉大橋樊達元之妻二十一歲適樊生一子二十六歲夫死氏貞潔自守操肅冰霜事舅姑孝謹無違撫

義寧州志

卷十九

列女

三九

四百四十八

孤成立守節二十九載現年五十四

張氏高鄉儒童陳國棟之妻嘉慶五年夫故氏年二十六生一子教養成人守節二十五戴現年五十

李氏名慶傳一名慶蓮河南營叅將李崑之次女幼許字鎮洋縣丞冷豐年長子忠棣年十九病沒時慶蓮年亦十九從父官天津冷氏訃音至叅府故秘匿不使聞知適以事他出慶蓮自檢書得之慟甚母張淑人反復勸諭慶蓮曰忠臣不事二主烈女不嫁二夫吾父為天家臣容有二婚女哉誓以身殉不旬日慟極而終時嘉慶二十四年八月中事也慶蓮性聰慧授以詩書過輒成誦喜讀列女傳手錄成帙叅府甚鍾愛之故其沒也泣請於河南學使盧公浙為銘其墓

按李氏應入烈女因
得稿遲故附錄之

熊氏武鄉儒童胡齡之妻年十八適胡二十九而夫沒氏
矢志守貞事舅姑以孝撫育二子歷盡艱辛守節四十
四年壽七十三歲

何氏奉鄉大里監生王應賓之妻嘉慶五年夫沒氏年二
十六歲矢志守貞閉戶紡績有二孤撫育教誨慈嚴兼
備計守節二十四戴現年五十

余氏泰鄉儒童劉澡白之妻年二十六夫亡生三子俱幼
家貧舅姑年老氏躬親紡織奉養舅姑獨力支持貞操
數十戴鄉里頌之

冷氏仁鄉儒童樊恭驗之妻冷正光之女年十六于歸乾
隆四十五年夫故氏年二十五貞靜自守孝慈備至訓
義寧州志 卷十九 列女 四十一 二百五十六

子孫以詩書守節四十五戴現年六十九歲道光四年
冬呈請 旌表

辜氏高鄉徐崇正之妻乾隆七年夫沒氏年二十八生子
三俱幼撫養成立勤儉自持奉養老姑不以家貧而缺
甘旨歿於乾隆乙卯計苦節五十四年

趙氏武鄉袁璠妻乾隆十七年夫故氏年二十四侍奉老
姑曾割股療病撫二孤子窮苦教讀俱能成立計苦節
四十六戴壽七十

陳氏安鄉長茅萬鈞妻年二十七夫亡生二子家貧甚勤
苦紡績卒能撫孤成人事姑周氏以孝聞計守節三十
九戴沒年六十六堂姪文恪公立傳以表之

善婦

楊氏陳允達妻九成之媳孀居無後雍正二年捐州西高城源腴田七十七畝零額租一百零五石為學田充文廟歲時修葺之費州牧劉世豪立有碑記楊氏沒後嫡姪衿禊祚神姪孫庠生玳希繁重姪孫國學泰來庠生晉累世為頒胙承祀

劉氏王耀祖妻孀居守志州舊有濂溪講堂年久傾圮氏獨捐金重建之巡撫輔給以克襄文教匾額學正李孝滄有記府志

余氏泰鄉陳和燧之妻和燧中道不祿氏獨理家政尊師禮賢課子訓孫嘗捐田十畝助印山義學釀金百兩以修文塔承夫志也年六十刺史楊星園旌以松筠貞壽

義寧州志

卷十九

善婦

四一 四百五十

嘉慶庚辰見五世同堂諸紳呈請咨部題旌卒年八十有三

胡氏武鄉東潭貢生劉雲龍之妻衿耆胡全月之女事姑周氏孝謹相夫力行善事暑施茶湯於途貧病者施葯以療之歉歲平糶設糜夫沒後延師訓課子孫多貢成均入庠序身閱四朝同堂五世稱一門之盛壽及百歲而卒子奠邦性敦孝友踵行善事嘉慶丙子舉鄉飲大賔

余氏武鄉耆士袁紱之妻生子八人長守參舉鄉賔樂行善事有任卹遺風嘉慶二十一年壽屆九旬有四曾元繞膝五世一堂稱積慶之盛焉

胡氏奉鄉貢生張鐸之妻年三十二夫卒氏力持家政屢

行善事乾隆丙子里中大饑出穀五十石戶給五斗視極貧者以人數增減其賑多所全活丁未又饑亦出穀賑之冬大凍買棉絮百具人給一絮嘉慶丁巳病將沒遺命長子鳳鳴捐田租八十一石充作濂山書院膏火州牧周詳准立案

胡氏武鄉東潞袁冽之妻贈同知胡宗定長女幼諳詩書年十七適冽冽隨父珥官楚氏從之冽得病甚危氏百計求禱不效及沒氏即投繯自殉家人奔救氣絕復蘇遂扶柩歸里一切喪葬獨力措置事既畢有諷之改醮者氏乃仰天長號曰吾舅姑遠隔千里諸叔皆幼吾遺女子孤苦伶仃不能從夫地下豈吾志哉安敢以降志辱身貽父母舅姑羞遂憂憤成疾而卒卒年二十三

崇祀節孝祠

前代列女有已旌未旌者崇祀姓氏照舊志登載至國朝已行旌表例應崇祀其已故而牌位尚未入祠一體登戴現在者姑闕之

宋

彭氏彭泰女

元

彭氏姜本道妻

葉氏姜本源妻

明

周氏胡以謙妾

周氏徐仲英妻

劉氏周瑾妻

沈氏查勗己妻

冷氏陳邦達妻

盧氏冷安民妻

義寧州志

卷十九

崇祀節孝

一

陳氏孟實女

陳氏王廷蕾妻

陳氏查仲儒妻

祝氏盧榮妻

黃氏余漢妻

陳氏周季哲妻

周氏王公顯妻

岳氏李模妻

查氏王公廷妻

陳氏王廷鳳妻

章氏陳沛妻

黃氏石勝安妻

車氏幸善繼妻

李氏陳說模妻

章氏周期化妻

張氏帥汝蘭妻

熊氏周先春妻

查氏陳欽謨妻

盧氏陳以翰妻

周氏石仙嶽妻

盧氏陳欽寶妻

李氏程其材妻

黃氏徐漱泉妻

石氏陳嘉祚妻

國朝

張氏王頤妻

湯氏羅寧遠妻

溫氏廖會文妻

余氏劉正笏妻

陳氏余德憲妻

朱氏陳世章妻

樊氏冷秀廷妻

溫氏王天定妻

周氏匡藩妻

鄒氏陳宗瑗妻

陳氏梁立元妻

陳氏徐鎮衛妻

劉氏何榜妻

張氏李其尤妻

盧氏周子牛妻

周氏帥匡璠妻

張氏帥匡瓚妻

鍾氏蕭大斌妻

陳氏曾起修妻

袁氏帥正元妻

余氏曹光廷妻

黃氏鄒玉陞妻

義寧州志

卷十九

崇祀節孝

一一

胡氏張大煤妻

王氏胡起鳳妻

胡氏張熒成妻

張氏王山妻

戴氏孫榮祖妻

匡氏徐彩五妻

胡氏袁璘妻

王氏陳寧晃妻

黃氏陳美山妻

謝氏蕭菁妻

陳氏胡組德妻

韓氏傅琴堂妻

廬氏彭采藻妻

徐氏王浩妻

熊氏劉榮千妻

幸氏樊天篤妻

熊氏艾大烈妻

賴氏李開源妻

洪氏邱槐英妻

王氏張大瑜妻

王氏葉中華妻

熊氏張坤成妻

劉氏龔大立妻

周氏帥載烈妻

吳氏謝之瓊妻

涂氏黃希巍妻

周氏莫錫周妻

義寧州志

卷十九

崇祀節孝

三

義寧州志卷第十九終